

Administrative rutinar for

Handsaming av mistanke om fusk

Institutt for framandspråk

Godkjent av instituttleiar Leiv Egil Breivik 22. mai 2012.

1. Alle oppgåver som vert levert elektronisk i Mi side og Kark vert gjennomsøkt av Ephorus. Eksamenskonsulentane er ansvarlege for å sende inn oppgåvene til Mi side/Kark. Dersom det er vesentleg tekstlikskap, mottek eksamenskonsulent epost frå Ephorus. Denne vert vidaresendt til intern sensor/emneansvarleg/undervisar.
2. Når mistanke om fusk vert oppdaga i ei oppgåve (innlevert eksamen eller obligatorisk arbeidskrav), er det intern sensor/emneansvarleg/undervisar som har ansvar for å skrive ein rapport der mistanken om fusk vert dokumentert. Dersom Ephorus vert nytta, kan Ephorus-rapporten vere ein del av dokumentasjonen. Rapporten skal sendast til studieleiar.
3. På bakgrunn av rapporten vert det avgjort om studenten skal kallast inn til eit møte eller om studenten skal få ei skriftleg åtvaring.
4. Dersom studenten vert kalla inn til eit møte, skal følgjande vere til stades:
 - a. Undervisningsleiar eller instituttleiar
 - b. Studieleiar eller studierettleiar
 - c. Fagansvarleg eller fagkoordinator

I møtet vert saka opplyst, og studenten får høve til å forklare seg.

5. Dersom det vert avgjort at det ikkje er tale om ei fuskesak, vert saka avslutta på instituttet og oppgåva vert sensurert som vanleg. Studenten får eit brev om at saka er avslutta.
6. Dersom det vert avgjort at det er tale om mindre alvorlege brot på akademiske normer, vert saka avslutta på instituttet. Studenten får ei skriftleg åtvaring og rettleiing om betre praksis. Oppgåva vert sensurert med evt. trekk i karakteren.
7. Dersom det vert avgjort at det er tale om ei fuskesak, vert utgreiinga sendt til fakultetet. Studenten vert informert om avgjerda. Fakultetet sender evt. saka vidare til Den sentrale klagenemnda. Klagenemnda har mynde til å annullere eksamen/godkjent arbeidskrav og kan også utesettengje studenten i eitt eller to semester. Høvet til å annullere eksamen vert ikkje forelda.

Meir informasjon om handsaming av mistanke om fusk:

http://www.uib.no/ua/dokumenter/studiekvalitet/ABC-Fusk_nor.pdf

Engelsk versjon: http://www.uib.no/ua/dokumenter/studiekvalitet/ABC-Fusk_eng.pdf

Meir informasjon til studentane om fusk:

http://www.uib.no/ua/dokumenter/studiekvalitet/Fusk_hvaerdet_nor.pdf

Engelsk versjon: http://www.uib.no/ua/dokumenter/studiekvalitet/Fusk_hvaerdet_eng.pdf